

Himahleh June 26 nitak akipan Pathian Khasiangthou nasepna hong kilang panta a, camperte leng hong serious hiai-hiai uhi. Tampitakte ahong kimuhkhiak nungun bangzah hiamte buai leh kilan theilou omlai uhi. Amaute counsellorten a poimoh bang a counseling neihpih zel in, a tawp chiangin hong kimukhe thei khong uhi. Tutung camp ah Pathian in speakerte leh counsellorte nasatak a zangin Pathian Khasiangthou nasepna amaute tungtawn in hong kilang hi. Pathian in la-te tungtawn in leng campers te houpith in adiakin "Jesu tuihing lui" leh "Jesu Nang vangin" chihite campers te'n deih petmah in khitui toh sa uhi.

Vamp lut zah ahileh Junior apan atunglamte numei 97 leh pasal 90 akigawm in 187 hi a, Beginner apan Primary te atangpi in nitengin 130 vel kikhawm gige uhi. Naupang teng gawmkhawm 317 vel pha hi. Camp tawp ni June 28 (Pathianni) nitak in "camp fire" kibawl a camper ten nidang a ana chiiin zongsat uh, chin dia a deih nawn louhte uh lai a gelkhia in mei ah haltum uhi.

Camp bei nung nitak thum camp follow-up program zat hi a, naupang ten amau testimony

puankhiakna nei in Pathian in a hinkhua ua na asep dante genkhia uhi. Naupang chikchik himahleu in Pathian Kha siangthou nasepna ziakin testimony ngaihrop huaipipi genkhia uhi. Athu kia gen lou in, phatna la a akimuhkhiak nate uh sa ua, nuam thei mahmah hi.

Naupangte a ding a sai himahleh tuailai nungak leh tangval leng bangzah hiam tak hong tel uhi. Hiai camp a ding a sum leh pai, tha leh zung seng a van poimoh tuamtuan hon thohte tung ah i messenger tungtawnin kipathu kon gen uhi. School leh College hon zangsak Principal leh Vice Principalte tung ah leng kipathu ka gen uhi.

Kumdang chiang bangin hiai sang a lian zaw deuh in Presbytery Level bangin sai thei le chih ki lunggulh petmah hi. A ut teng kitel sak thei lou ahimmanin poi kisa mahmah hi. Hiai tan a hon pitu, a bul a pan a atawp tan hon pitu leh naupang leh tuailai tampite Khasiangthou nasepna tangsktu i biak Pathian in thupina leh pahawina hiai hotdamna camp tungtawnin tangta hen.

Report petu:
Sanga, Secretary
Camp Committee

PATHIAN' KIPAHPIH THILLAT

2 Kor. 8:1-9

By Rev. G Suanzalam

Simtute navekun chibai!

Tuktui hong luangin, sing-le-loute'n teh hing dipdep, a kilawmna uh hon suah ua, siamtu Pathian' kilawmna sulang uhi. Theihlouhkalin kumkim bang i mu ua, haichite ahun-hun a gahsaktu leh amaute adia poimoh vuahtu-nisa hon petu Pathian min i phat hi. Nu-le-pate'n singtang lou apan haichi gahmasa hon puakte uh naupangte'n kipahpih kholdiak a, nek kal kingaklah mahmah hi. Huchibangin i Pathian leng a kianga gahmasa Haithak i piakte tungah kipak mahmah ding hi. Pathian in gingtute kianga thilpiak dan ding hon sinsak a, huai dungjuai a pete' tungah kipak mahmah hi. IBible chang apan Mesidonia saptuamte' thilpiak danin Pathian' lungsim sukha thil piak ahidhan tamlou i en ding.

1. Kiphaltak a Piakna (v.1-3):

Tampite'n taksap ziakin paulam ding i bawl sek ua, i neihsunsun piak a ngawlkhak ding lau in phaltak a piak ding lau uhi. Taksapnate tuh zeetna chi khat ahi. Pathian' deihdan bel haksatna-zeetna hunah leng, neih-le-lam ah (jawng mah lehang) thilphalna a hausa ding leh i neihlouh tan a leng pengam/phal dingin hon deih hi. Tawmchik apan leng piak teitei utna tuh thilphalna ahi. Thilpiak a kithalawp ding in Pathian in hon deih mahleh, eite'n bel;- 'hausa ding – pe ding, kiningching phot ding – tampi pe ding, hun nei ding- Pathian nna sem ding' i lungput uh ahi maimah hi. Na piakzah a Pathian kipak hilou in, napiakna ziak leh piak dan (phalna) a kipahpih jaw hi.

2. PiakkhiaHamphatna a Ngaihtuahna (v.4):

Mesidonia saptuamte'n tuh midangte a dia sepsak ding thasial hetlou in, kithalop in phetettet uhi. Amaute'n thilthawnpiak phattuamna leh

chih zang in sermon nuam tak mai 13-vei om a, naupang ten nuamsa in Jesu Krist adia kipiak thakna leh halhthakna tang uhi.

Ni khat program nih vei, sunma leh sunnung in kikhen a, sunkhaw! nei zel in, special number akallak a ngaihkhiatna aom ban ah lasakkhawmna, action song leh singspiration hun nuamtak, music pute (Elim leh Rehoboth apan) banah Zenhang Lamka PCF lapitute pina in Pathian phat a lasak leh lim deuh mai a lamkhawmna toh hun kizang zel a, naupang leh heutu banah upa, nu leh pa hong uap toh mi 100 val kipa gige hi. Rehoboth Session in a poimoh bangkim, sum leh pai a bei zahzah poimoh zahzah hon tum sak vek uhi. Hallelujah! Toupa phat in om hen. Eld. H. Vungzamang in hiai chialpi khakna bawl in zoh hita hi.

Local session leh ahong uaptu, elim leh zenhang lamka session Pastor bial etc. Pathian in a leh tampi in hon vualzawl chiat hen aw! Huan, Rehoboth Session chialpi zintuntute kiphalna leh kipiakzohna chiamteh tham akisa petmah a, tamsem a vualzawlina mu thei din Pathian in vualzawl ta hen.

- Mr. Ginlal, Suptd.
Rehoboth PCF

Report

Rayburn Naupang Hotdamna Camp

Kum 2015 Sunday School kipat tung apanin Rayburn saptuam a PCF heuteute'n naupangte hotdamna chialpi neihpih ding lunggulh in, project/plan sepsuah dingte lak ah kiguang hi. Naupangte school kawl hun, june kha suah a neih dingin pan kilatou hi. Budgette bawl in, fund drive-te kinei tou zel hi. Pathian panpihna toh sum-leh-pai leng naupang heuteute'n a poimoh zah ding a tuat uh kimukhia hi. Camp hoihtak leh

NI KHAT KIA

-Mangminlun Munluo

Luitui luangin kuamah ngak neilou a, sun-leh-zan a aluan mah bangin khovel kipei in khatvei lalleng khawl asawm kei hi. Zingsang in suahlam a om muat sangtakte kal a kipanin nisa hong sduak a, khovek kipahpihin zu-leh-vate'n zaideih awi uhi. Ni hong sang hiai-hiai a vanlaizawl hon sun hi. Khawl sawm tuanlou ahimmanin tomkal zoh in hong ke niam hiai-hiai nawn a, nitaklam ahong hita. Gamlak a om vaipai The-te hong khang chiai-chiai ua, zingsang a mualdawn a hong suak nisa tuh tu in muat-leh-mual kikal ah tum ding kisa in keniam deduta hi. A hong tumvek a, khomial min voh in omta hi. Khomial hun sung tuh khovel a hinna nei khempuhte'n tawldamna hun din zang ua, a zing adia thaththak lakna in leng zang uhi. Huchi'n hiai nikhat tuh abei a hong hi nawn maimahta hi.

Na hinna abei louh a, na kha in na taksap a nutsiat masiah nang dingin taikhua a vak dia tungsunni leng a tum sam ding hi. Himahleh nikhat

dei didng dingin taikhua vaklou ding a, sunni leng tumlou bok ding hi. Tuban kum sawngiat (80 yrs) damlai ding na hi hon kichileh bangchibang a zang dingin thupukna na la dia le? Ahihkeileh bangchi'n na zang dia? Mihingte'n bel a kum a sim gen louh, dakkal khat leh leng hun sawttak dan a ngai in a huntawp (last hour) kingakseh hi. Hiai in i hinkhua loh sapna tawpkhaw hon tun nuam ana hi gige maimah hi. Mihingte'nei mah hinna ngoihngoih a leng thuneihna neilou ihimmanun huaitan ka dam ding chih thuah bangmah genteih i nei kei uhi. Mihing hinkhua pen gamla lily pak bangin etlawm mahleh nisa in ahul a, avulpah bangin vul thei in beipah thei hi. "Nikhat kia hun nei hilechin hiai nah un manphatak bangchi'n na zang dia le?" chi'n dot in ki omleh a tamzaw ten'n lunggel (plan) omsate khengin "Pathian na

thawnlou ding chih theichian uhi. Khovel' ngaihin bel piakkhiak – kiamna ahi a, Van lam thil in bel piak punna ahi. Apete'n – amu ua, a site – a hing ua, kiniamkhiakte – tawisan in om ua, a jawngte – hausa uhi. Hiai tuh thilpiak thuguk ahi.

I thilpiakte'n Pathian' hauhsakdan langsak a, Pathian' gam keklian in gingtute pumkhat sak hi. Thilpiak a hausa leh khami mahmah saptuamte jawng chih om ngei lou hi.

3. Pathian' Kianga Kipe Masa (v.5):

Hun tam jaw ah i taksa leh kha Pathian kianga pemasalou in i thilpiakte i masuanin i be khanak

uhi. Khenkhatte'n piak tam ziaka Pathian kipak ding leh piaktawm ziak a Pathian kipak lou dingin ngaihtuah uhi. Pathian in i pumpi kithoihna hing a kilan masa ding in hon deih hi (Rom 12). I thilpiak pen Pathian' kianga i kipumpiakna latsakna ahi. Unaute, gahmasa haithak i lop lai in, bang chibang in Pathian kianga ah i pia a? I sum-le-pai, tha-le-zung, neih-le-lamte bang chibangin i pia a?

Thilthawnpiak a hausa ding, itna leh kipalna taktak toh thil pe ding, thilpiak a etton tham ching hi ding in i kichial hi. Jesu Krist hong zawmaz iak a hausate i hi uhi (v.9). Pathian' kipahpih thilpiak bang a pe ding in simtute Toupa'n hon vualzawl chiat hen aw.

feltak sai ahih theih na dingin camp sub-commian Tombing, Kapsuanmung, Dongminthang, Finance Secretary dingin Ngaihching leh Treasurer dingin Biakchingte hon guang uhi.

Camp sub-committee te makaihna leh vaihawmna zui in mohpuakna tuamtuam naupang heutute kiguan hi. Hiai toh kisai thumna ngaih poimoh mahmah ahidungzui in Nu Niangkhanching' makaih in Head Office Conference Hall ah June khabul apan PCF heutute leh alunglut peuhmah in thumkhwamna zingsang tengin kinei gige hi. Thumkhwamna hunaki zat chiangin thumkhwamte Kha munkhat leh lungsim munkhat a om in nuam kisa thei mahmah hi. Camp hun tunma akipan in thum a paikhwamte'n lohching ding a theihna gintakna thupitak ana kineikhin hi. Huaibanah, khalam mahmah leng hiai thummate ziakin heutute phattuamna leh hatna thupitak hon guan hi. Zingkal teng a thumkhwamna pen huntawk sak louh ziakin Mualvaiphei Prayer Mountain ah June 13, 2015 in thumkhwamna hun kizang hi. Hiai nil eng thummate nuam in lohching takin Pathian panpihna toh hun va kizang thei hi.

Camp Committee in chialpina group nih a khen in, Sunday School naupang Beginner leh Primaryte group khat, Junior apan atung lamte atuan a khenin Rayburn High School ah kigiaklut sak a, a neu lamte sun a hong kai in Rayburn College Auditorium ah kikhawm zel uhi. Amau Rev. M. Khamlianmang, Speaker a pangin lasakna leh thugennate nuam sa thei mahmah uhi. Phatna la sak chiangin auditorium a bench tung ah naupang neuchikchikte kaltou in lam ziahziah uhi.

Naupang lian zaw deuh (Junior apan Senior) te Rayburn High School Hall ah kikhawm in amaute speaker rev. H. Chin Thiansong in pathian thu genin chialpina nei hi. Speaker nihte banah councillor dingin Pastor T. Liankholal, Dinga Nunthuk, Rithanglian Tombing leh Chiinohikimte kispeng hi. Amauten speaker in thu agen khit chiangin naupangte group tuamtuam a kikhnen counseling nah on sepsak zel uhi.

June 25 nitak a camp lut nitak leh a zingchiang sun tan in campers-te serious mahmah lou in, kimawl leh chiamnuh bawl khawngin om uhi.

atam theipen in ka sem ding' i chi mai thei uhi. Nikhat kia i neih pen uh a manpha thei pen a Toupa a dia zat i sawm ziakun hih hoihlua ihi chinuam dan ka hi.

Pathian thugen minthang mahmah khat kiangah hiai thuvual dotin ana om a, hiai hun ah aman tuh a lunggel khat lel leng kheng selou in hichi'n dawng hi. "Nitak chiangin ka biakin uah thutak genna hun ka zang ding a, kikhop tawp chaingin ka lawmte uh inn khat apai in fellowsnungin ka inn ah ka paikik ding a, ka ihmu ding hi. Nikhat kia hun nei ka hihmanin hiai ka nikhat hun a bei toh kitonin ka hinna maban sunzom dingin van ah ka khanglouta ding hi" chi hi.

Simtu it na ngaihtuahna vaksausak zekmah dih. Hiai 'nikhat kia' na neih pen lah na ihmut kal hiam a bei ding ahi ngal a. A tung a i gen

Toupa nasempa'n tuh vangam a Pathian kianga a khanglou ding ahihdan a theichiang mahmah mai hi. Ahihleh nang koi mun ah na khanglou dia le? Tu in thupukna la in Toupa'n a mi ginom hiding leh a vangam khua leh tuh hihna tang dingin ahon deih hi.

Ka thukhitna dingin hiai ka genuam lai ahi. Nikhat kia hiai khovel a hun zang ding i hih ziak lel in Toupa nasep kipat sawm phing kei ni. Tun mah in kipanphani. Nikhat lel kia i sep sawm leh zaw man lou ding ihi. Toupa na i sep sak ding tam law mahmah ahi. Nikhat kia a om ding ngak sese lou in tun, tun ah kipanni. Toupa'n ana nasep na dingin nikhat kia taikhua vaksaklou ding a, nang dingin ni sangtampi vaksak zaw ding hi.

Toupa'n hon vualzawl hen aw!

NAUPANG CHIALPI

Pathian in i thummate uh hon dawngin Zenhang Lamka PCI ah June 12 akipan 14, 2015 sung Naupang chialpi neih in om a, huai hun sung teng Pastor' zi Thiannghaimawi in Pathian thutak genna nei in chialpi lohching mahmah hi. Chialpi hun sungin la lam hi in thutak lam hitaleh Pathian' kha honpina toh nuam thei mahmah hi.

Naupang lak ah a tamzaw ten hotdamna thu theichiangin Jesu Krist a lal leh Hondampa dingin sang thei uhi. Hiai chialpi a lohchin mahmah ziakin ni 14 tan di chih himahleh 15 nitak le zat beh in om hi.

Hiai chialpi na ding toh kisai a fund drive hong kipai na a honna kithuahpih heutute leh saptuamte tung ah athak in kipahtu ka hon gen ua, non thumpihate uh ziak inle kipahtu ka hon gen thak-thak uhi.

- Thonkhansiam
Superintendent
Zenhang Lamka PCF

PASTOR BIAL NAUPANG CHIALPI

Hiai "Pastor Bial Naupang Chialpi" kichi dt. June 22-28, 2015 sung neih hi a, ni 7 sung vingveng Rehoboth PCI-te kipiakzohna ziakin program hoihtak in pai thei a, sun hun teng in session in refreshment limtak in ahon vak uhi. Main Speaker in Pastor' zi Nu Thiannghaimawipang in, a thupi dingin "Naupang si ding ka en ngam kei" (Gen. 21:16a)

KIPAHTHU GENNA

Kou C. Tuiveljang saptuam a PYF te'n kum bangtan hiam paisa in Keyboard Project kana bawl uh tukum 2015, june 17 in muan mahmah Eld. Langkhanpau Guite leh Rev. Khen P. Tombing-te panlakna in kilei khe zou khong a, saptuamte a itna uleh a deihsakna tung uah kipahtu ka gen uhi.

Hichibang heutu kiphah leh kipezou i neih khak manun a tung uah Pathian min in kipahtu gen in, akiphahlate uleh akipiak zohnate uh Pathian in a lehtampi in vualzawlta hen chih ka thumna uh ahi.

Committee sik leh tang in

-Lamkhansiam Shoute
Chairman

-Thangsuanlian Guite
Secretary

C.Tuiveljang PYF

MISSIONARY THOHLAWM

NE Khawdungsei saptuam ten Missionary Day a zatna ua thohlawm a donkhiakte uh atuam liu-liau in Mission Fund dingin Coordinator (Missions) khut ah pekha uhi. Amaute nasep dan leh hahpannate etton huai sa in kipahtu na toh i messenger ah i suah hi. Toupa'n a leh tampi in vualzawlta pia hen aw.

- Rev. M. Khamlianmang
Coordinator (Missions)

ZALENNA KIPAHUAI

By: Intern Pastor TK Shyam Valte

"Noplen dingin Khriis in a hon suaktasakta a, huaijiakin diing kip unla, bawi hakkol ah jaw lut nawnta kei un".

Galatiate 5:1

Thupatna: Kum leh khate hong paizel in August 2015, tan bangmah buaina omlou a, hon musak i biak Pasian kiang ah, kipahtu kagen masa hi. I gam in zalenna i ngahnung; a kum 68 chinna lomthei diing a, i omman in PCIR Messenger simtute tengteng Itna, Deihsakna leh ZALENNA kipahtu tak min in chibai konbuk hi.

Independence Day lopna program August 15th, 2015 chiang in India Gam a, state tuamtum ah thupi tak in kizang gige hi. Ei-District Lamka ah leng anuam thei pen azat in om gige hi. Kou singngat district nial in, kum teng a, kaa na organised gige mahbang un, tukum in zong ZALENNA lopna diing in football Tournament thupi tak Singngat mawltual neih in om diing hi.

Zalenna kichi mimal i tuam dungzui in ghenchet dan tuamtum tampi om diing hi. Himahleh a lompi a gen in, zalenna kichi chi-thum in khen theih diing hi. **Khatna** Eimah thu a kivaipuakna (Political freedom), **Nihna** Sum-leh- Pai a, Eimah a

kitoudel na (Economic freedom), **Thumna** Sakhkua vai a, Eimah deihtel sakhkua zuihna (Religious freedom).

I. I gam in zalenna angah ma a, i dinmun saulou enkhawm zual diing uh:

I Gam sung uh nidanglai in, Leng (Kumpi) tuamtum a kikhen in, Amau opkhumna chiat ah thuneitak in vai kihawm ua, Gal-leh-Salmat a kinei in, Kumpi Khat-leh-khat kidou tuah in ana khosa tou ngtinget uhi. Tua bang a sa-leh-gal a akineih lai un, British East India Companyte 1608 vel a honglut in, Kumpi gamte Khat-khit-Khat in, hongthuneih khum

SLPYF MEET 2015

South Lamka Presbytery Youth Fellowship (SLPYF) MEET 2015 thupi thei bang pen a neih dia thupuk ahi. Hiai toh kisai theihtuak anuai a bangin ka hon taklang hi.

01. MEET zatna mun ding M. Saljang PCI
02. Ahun dingin October 2-4, 2015 ahi ding.
03. Thupi "Pianken thak, diktatna leh sianthoua a Pathian batpiah a siampen silhun" Eph. 4:24
04. Speaker ding Elder V. Nunlian
05. MEET Honna Rev. G. Vungsangmung, Superintendent, SLP
06. Kitaitehna ding:

Thu ah:

- a) Bible Recitation (mimal)
- b) Bible Recitation (Group)
- c) Bible sung thu/tanchin tomkim a gen (Gen – Kilakna)
- d) Double Act Preaching
- e) News Reading
- f) SMS typing competition

La ah:

- a) Lapawlp
- b) Solo
- c) Quarttete with action

Out Door:

- a) Football
- b) Volley Ball

Paai zonna leh Sakhkovai ah saltanna thupitak in gakchip hi. Tua bang a haksa leh gentheitaka, hinkhua azat lai un, i Toupa Jesu khriis "...a hunbi ahong kim in, Pasian in a Tapa, numei' suan a, dan nuai a hongsuak in, a honsawl kheta" (Galatia 4:4). Himahleh, Judate'n salam a, Abraham suan ahihna uh muang mahmah in, Kham (Ginna) a Abraham suan ahihtheihna diing ua, Jesu Khriis sihna leh Thokhiakna Gintak na neih diing utlou phetlou in pom utlou bilbel uhi.

Unaute, Na hihna ngaihtuah thak dih, Na mihoih mahmah a, Nu-leh-Pa Khristian ahihziak leh Khristian Innkuan sung a, nong piang a, Khristian sakhkua na zuih a, Khristiante lak a nakhankhiak a, Khristian saptuam makai/ heutu a na pankhak ziak a, Khriis nungzui muanhuai mahmah i kisak khak diing lau huai hi. Juda te'n ginna a, Abraham suan a poimohna a theihloun bang un, Ei te'n leng ginna ziak a, Khriis zalenna hilou pi, zalenna nei i hih khak diing kivel thak chiat diing in i kichial thak ahi.

Khriis a Zalenna i ngah theihna na diing: Khriis Ginna a om gige diing (Believe in Christ), Khriis THU (thutak) a om gige diing (remain in Christ' word), Thutak theihna (Kham thutak- Pasian thu theih semsemna), Kham a Khriis lunggulh na neih semsem diing. Aziakbel "Noplen dingin Khriis in a hon suaktasakta a, huaijiakin diing kip unla bawi hakkol ah jaw lut nawnta kei un" (Galatiate 5:1).

Thukhitna: Igam in zalenna 68vei i zat toh kiton in, Khriis kia in a piaktheih, kham suahtakna taktak poimoh hina hang e. Tuabang suahtakna nei tamp ii omtak ziak in kipahtu i gen a, mitam semsem in tuabang suahtakna i ngahtheih semsem na diing in; Pasian in i tanchiat uah simtute tengteng hon vualzawl chiatta hen.

Date: 12052015
valteshyam@gmail.com

ziahziah uhi. Kum 1891 tan in, Eitenna gam Manipur tel in, India Gam pumpi Kivaihawmna, i kismudawntuahna leh thuneihna tengteng British East India companyte thunuai ah om vekta hi.

Himahleh 1857 kum a kipan in, Rani Laxmi Bhai, Subash Chandra Bose, Mahatma Gandhi, Jawaharlal Nehru leh mituamtuam in, hun tuamtuamleh lamtuamtuam ah, pan mun khoh in India gam, a kipan British te nohkhia diing thu hon tangkou pih uhi. Leng Kumpi Tuamtuamte pangkhawm in, British East India companyte douna nasatak in honpan ua, haksatna leh gentheihna tampi toh, 15th August 1947, Britishte thunuai apan suatakna (zalenna) puankhiak in hong om hi. Hiai zalenna gah, tuni in NANG-LEH-KEN hamphatpih in nuam isa mahmah uhi.

II. Khris a zalenna neih kisam hi.

Political leh Economic Freedom i ngahnung in, i Gam in hamphatna leh khantouhna thupitak i ngahta chi hi thei a, kipahhuai leng i sa mahmah hi. Tua mahbang in I

Gam in Sakhho zalenna honphalsak lai in, Eite'n hiai Sakhkua zalenna itan uh; I hamphat pihchiatna, uhiam chih mimalmal Ki-Question chiat leng kachi hi. Hiai Sakhkua zalenna ziak in, I Gam ah Nang-leh-Ken baihsam tak in, Khamlam zalenna (Spiritual Freedom) ih ngahthei uhi. Khamlam zalenna i chihchiang in-

- 1) Khelhna ziaka Tangtawn sihna apan Khris sisan vang a suatakna ahi.
- 2) Pasion hamsiatna, thangpaihna apan Khris sisan vang a suatakna ahi.
- 3) Lauhna- sih diing lauhna, midangte hoihsak louh diing lauhna, lohsap diing lauhna, vualleh diing lauhna, Thutak gen diing lauh na, mohsak diing lauhna apan suatakna ahi.
- 4) Mahni kisiamtanna, mahni diklua kisakna, mahni kithupisakna, apan suatakna ahi.
- 5) Pasion deihdan zong a, tua bang a, hinkhua zang diing a zalenna ahi hi.

Judate hinkhua i etchiang in, Gamsung kivaihawmna, Sum-leh-

Essay Writing: Hiai Essay writing ah saptuam pumpi khentuam omlou in a lunglut teng a tel thei ding.

- a) Topic: Ephesate 4:24 (Meet Thupi) ahi ding
- b) Word 250 sang a tawm zaw lou ahih ding.
- c) September last week tan a submit ding.
- d) Contest Department kiang a piaklut ding. (Htp S. Johnson & Htp. Muanlian)

Painting: Paintiang ah leng saptuam pumpi a lunglut teng a tel thei ding.

- a) Jesu kris tanchin toh kisai mahni siam bangbang a gelh a athu tamlou toh thuah ding.
- b) September last week tan a submit ding.
- c) Contest Department khut a submit ding.

Kidemmate prize sponsor thei a om leh kipahpih ahi.

Meet loching leh manpha theipen a zat ahitheihna dingin saptuam leh mimal ten thumna a hon phawk chiat dingin ka hon ngen uhi. Abikin thugentu ding Elder V. Nunlian in Pathian' Kha ompihna leh theihsakna atan a, tuailai leh saptuamte khamlam a halhthakna a thu ahon puak thei na dingin thumpihni.

Kipak.

Sd/-

S. Johnson
Director

Contest & Program

KHOTANG LEH POLITICS A KIHELNA

- Rev. M. Khamlianmang

Thupatna : I thupi taklat toh kisai in, Ngaihdan tampi leh ngaihtdan tuamtuam omte lak ah Saptuam in Politik a sailouh ding ahi; asai dingmah ahi, chih mimal malte lungsim a ikidotna uh, alangtang a leng ibuaihiph uh leh theihchet utna nei ding in ikiigingta hi. Sailouh ding ahi chikawm kawm hina pi PULPIT a pan a mite sakhau sawk sak dekdek tampi om ding hi. Siangthou tak a sai ding chia saite leng leklua a omkha pawl leng om leuleu zel ding hihang. POLITIKS sai vekni chihna hilou in, siangthou tak a kihel a, isai theihna ding lampi uh ngimna in bang zah hiam itak lang ding.

Politiks ichih Greek thumal 'POLIS' apan kilakhia ahia, 'KHOPI' chihna ahi. Ahihhang in tenna khua leh tui genna a zat ahih chiang in Khopi ki ukna leh ki vaipuakna, ki humbitna, muanna leh bitna banah khantouhna genna lam a kaw hi. Huan KHOTANG ichih sappau in 'Society' chih ahi. Society ichih chiang in Hinna, Hoihna leh Khotang thil a Mihing khat leh khat ki tanauna (*of the life, welfare and relations of human being in a Community*) genna ahi. Huaiziakin Khotang (Society) ichih in tuh mihingte hamphatna ding, khantouhna

ding(welfare) tengteng a huamsak vek theih hi.

Ahih leh India gamkhua leh tui hihna ah bang teng hamphatna neia, tunitan nuamsa leh zalen tak a om ihi ua leh. Tuni a zalen leh kipaktak a I omtheihna ziak thiltampi te lak ah India Danbupi in agen 1. Fundamental Right 2. Right to equality 3. Right to Freedom 4. Right against exploitation 5. Right to Freedom of Religion 6. Right to Constitutional Remedies 7. Cultural and Educational Rights leh adang dang te ziak ahi pen. I mihing hinna ding

3. Worship Centre: Hiai Worship Centre omzia ahihleh gingtu hong kipia(new believers) te Biak na ding mun nei nailou te inn hiam ahihkei leh mun aawng khat ah biak na nei thei ding pawl (group) 4 bawl khiak ahi. Amau ten thum na apoimawh uh, thumpih ni.
4. Bible study- 28 groups (Mun tuam tuam ah Bible Study group 28 kipan khia hi.
5. Sunday School: Sunday School mun 6 ah kipan hi.
6. Baptisma tangdia mansa mi 447.

Kakipak

Noute toh semkhawm

S.T.Soigoulun

Shalom Training Centre
Kolambi Akolabazaar Road
Yavatmal District.

KIPAHTHU GENNA

Kou Mata PYF te'n lapawl uniform ding ngaihtuah a beidong leh lungkham tak leh sukna ding theilou a ka om lai un Rev. Khen P. Tombing in kiphaltak in form leina dingin ' 20,000/- tak hon pia hi. Amah kiphalna leh siamna ziak a lapawl uniform ding nei pah ding ka hihtak manun ka kipahna uh i messenger ah ka hon taklang uhi.

Kipahna gen seng louh ka hon taklat ban uah Rev. Khen P. Tombing Pathian in a kiphalnate a tam sem in vualzawl henla, Toupa'n a inkuan un vualzawl hen chih ka thumna uh ahi.

S. Johnson

Secretary, Music Department
Mata PYF

hiloute lak a theihpihtu muanhuai sem hong hih theihna ding un thumna ah phawk ni.

5. Chothe Chaiba, Bishnupur a Fellowship kipan khia, hoihtaka hong paitou theiha saptuam phutkhiat a om theihna ding in thumni.
6. Mission Field a biakin nei nailou bangzah hiamte biakin ding lam a om theihna ding in thumni.

Maharashtra Village Ministries Reports:

To:

The Coordinator (Missions)
Presbyterian Church in India (Reformed)

Subject : Report

Heutu muan, Amasa in Jesu min in Chibai.

Pathian gam na isep nauah Mission department report tomkim in hiai ah kahon taklang. Hiai ah thil tung te ahihleh January 2015 – March 2015 kikal ah Pathian gam na isepnau ah agah muhtheih te a hi.

1. Baptisma tangzah – 376 (Hiai baptisma service pen mun tuam tuam mun 7 a neih ahi, baptisma neih na mun minte- Nashik ah mi 56, Jawar ah 35, Ajaypur ah 13, Sindivai ah 19, Palgarh ah 51, Thane ah 70 leh Raigarh ah 132.
2. Biak Inn- Biak Inn lamzoh sa honthei dia omsa, dalna (opposition) ahat luat ziak ah hon louh ah ompen tu January – March khasung in hon in omnta hi, huai te ahihleh Ralpari Church leh Ruikheri Church tea hi.

a poimoh thilte ah, a zawng-ahau, a rong vom hiam, angou hiam a ki deidanna omlou, a kibang vek a etkol ihihna ah, banglam peuh a zalen tak a kizat theihna nei ihihna uah leh tawndan leh Siamsinna kebbitna zalenna ineihthe uah I hamphatna a muh theih hi. I gam khua leh tui Dan te mihingte bawltawmte bawn in hichituk ahamphatna honpiak theih leh Pathian mihingte bawlpan amite ading angaihtuah louh kei hial ding. Pathian in amite a awlmoha, akipahna ding uh ngaihtuah leh leh gelsa dimdiam in a koih gige hi. Amite khotang hoihna leh bitna ding in Israel tate muntuam ah, amau kia in apikhia a, bawngnawi leh khuai zu aluanna gam ah a tengsak. Huai ah Pathian zalentak a biak theihna nei in kuamah sukbuai a omlou in, bitna leh muanna nei in Pathian in a om pih. Ahih leh eite tenna gam Pathian honpiak ahi diam? Muan leh bitna a om hia? Pathian kipak leh zalentak a phatna pia a, pahtawi a, Amah bia iki chitheih taktak diam leh? Mi khenkhat in ipianthak nak aleh thildang teng hongfel a, hongveng vek dingin I gingta ahi kha ding. Huchibang ana hidek suailou in – khantouhna,

gahsuahana, khansemna leh Jesu itsemna ipoimoh in I tasam gige zaw hi. Huchibang ding in mihingte Khanna, bitna leh ki makaihna ah pan nasatak a panlak semsem a poimoh hi. Pilvangtak kawm a kalsuan leh ngaihtuahna chiimtak paipih a masuan in.

Khotang leh Politik a iki helding a poimoh na tampi a om tham ding. I gam a zalenna a om ichih lai in zalenna tak tak I tang in ingah uha leh? Hiai zalenna ah hamphatna, khantouhna, muanna, diktatna leh bitna ichihthei atel hia? Chihthei tel a, sui a, Izohkhiak ding I mohpuak ahi. Huai ding in Politik leh khotang ban ah thil bangkim a thuneitu Pathian mangngilh lou a, I theiha, I phawka, a thuneihna leh vaihawmna te thumangtak a I zuih masak ding thil poimoh pen ahi. Pathian hihna, athupinate theiphalou a mahni theihna suang a, kiliansak, kipisak tak a mahni pilna, thilhih theihna suang a vai I hawm chiang in I khotang leh mimal hinkhua ah saina lianpitak tung sek hi. Adiak in Saptuam ah leng hi zosem lai. A ziak tuh Bible in ‘Pathian phawk louh tuh haina ahi’ (Dan. 5: 21; Sam 14: 1),

5. I school te uh PhumThnal leh Krosang khua te a naupang hoihtaka hong kaizom zelzel theih nading un leh anu leh apa te un leng school kai apoimawh dante hon thei ua hon hasawt theih nading un Thumsakni.

6. Agam mi I sepihte uh: Nob Nun, Beanshin, PhanDown, SamAnn leh Uon Putry ten kulkal taka Pathian gam nasepna amau mohpuakna dana la a hong panzom zelzel na ding un Thumsakni.

7. SiemReap khuaa I innluah na ua inn neite leh I kim I kianga teng ten leng Pathianni chianga Biakna a hongtel utna lungsim leh Pathian hing leh siangthou theih utna lungsim honneih chiat nading un, thum zom zel ni.

8. Khalam leh taksa damna hoihtak kon neih zom nading un leh Toupa gamna hoihtak a konsep zomtheih nading un leh, kul leh poimawhte piaka kaom zelzel nading un leng honna Thumpih zom dingin kon ngen uhi.

Thumna leh Thilpiaka tatsat loua non na panpih nate uh zia kin Toupa’ n a leh tampi in hon ompih in hon vualzawl chiatta hen aw. Kouleng hih theih khamkham in kathum nate uah konna phawk zelzel uhi. Navek un omnuam leh Toupa Thupha !!

Toupa Gam adia nadia nasepitt uh,

Mang, Lianvung leh Hana Niangngaih, Siemreap, Cambodia

khotang hinkhua hong om chiangin lemna, muanna, diktatna leh gamsung vaihawmte ahiding bang a hong pai thei pan ding ahih man in. Huan mipite leng vaihawm te kiang a ipiak ding bang pia a (“Kaisar thilte Kaisar kiang ah pia unla, Pathian thilte Pathian kiang ah pia un..Matthai. 22: 21) khotang bawlhohitu a gingtu, Kristiante ipan ding ahi. Bangteng hileh, Politik hamphat pihni ichih leh Khotang a nek leh tak, silh leh ten kining ching ingah a, mite honpiak hiam, eimah khutsuak, itha leh hihtheihna Pathian honpiakte toh I sepkhiaksa hileh min hon zahtak in, iki toudelh thei baihzaw ding in gintak huai hi.

Khotang khantouhna ding leh hoihna dinga thilgel, Sanction leh atuamtuam a zatna ding bangtak a zat ahilhohu chiangin huai tuh GUKTAKNA ahi. Huchi bang nengneng te izatkhelh chiangin khotang hoihna dingte lakmang in a om a, nek siat a om in, mimal mal ah kivak zohlouhna; huai tuh kiakniamna leh puk siatna bul ahong himaimah zel hi. Hiaite tengteng bangchi bangin, kuan pan la henla, kuaten nungzuhih a semkawm in

hileh I khotang, Politik a iki helding a poimoh na tampi a om tham ding. I gam a zalenna a om ichih lai in zalenna tak tak I tang in ingah uha leh? Hiai zalenna ah hamphatna, khantouhna, muanna, diktatna leh bitna ichihthei atel hia? Chihthei tel a, sui a, Izohkhiak ding I mohpuak ahi. Huai ding in Politik leh khotang ban ah thil bangkim a thuneitu Pathian mangngilh lou a, I theiha, I phawka, a thuneihna leh vaihawmna te thumangtak a I zuih masak ding thil poimoh pen ahi. Pathian hihna, athupinate theiphalou a mahni theihna suang a, kiliansak, kipisak tak a mahni pilna, thilhih theihna suang a vai I hawm chiang in I khotang leh mimal hinkhua ah saina lianpitak tung sek hi. Adiak in Saptuam ah leng hi zosem lai. A ziak tuh Bible in ‘Pathian phawk louh tuh haina ahi’ (Dan. 5: 21; Sam 14: 1),

Amasa a Khotang leh Politik a kichel dingte tuh Khotang, Politik leh Saptuam a Makai te. Hiai ten India Dan bupi sung ah mimal. I Nam, I Gam in bang hamphatna atanding a kilawm, atanlouh bang a oma, Hamphatna itansa hinapi a a zatna ding banga zatlouh a omnta te bangziak ahia? Chihthei bulsui a, a zungpi a kalhkhik ngeingei ding ahi. MP, MLA ineihna uh Kum 30 bang nei hitamah lehang igam in khanlam sangin kiakniamna lam, leh sianthoulouhna lam imanoh uh abang. Bang zia kin hia leh? Mikhat in hichi achi, “*Palai ding a itel Makai leh heutu ten Politik taktak hon saipih lou a, talpaakte khutnuai a kikkem lungdam kawmzel a mipite hon bumhai uh ahi diam chih huai phial abangta*” achi. I Politik paidan uh ethak kul hilou hiam chih idawn ding dotna leh thukup hi leh ichi hi.

'Pathian thu manlough tuh thoindam theih ahi kei (I Samuel 15: 22), 'Pathian thuman lough tuh lohsapna ahi' (Numbers 20: 1-13) achi. Hiai a theih dia hoih, vualzohna pen lohchinna hipah lou, dikloupai a vualzoh theih ahi man in. Huchi bang ten lah sawt a daih ngal kei ua.

I tuleh dimmun uh et in zaw khotang ah siatluatna lawmlawm huchipi a gending omlou abang. Saptuam, Philanthropic organization, nam heutu makai tamtakte panlak na ziak in khotang a chidam khat in a koih theih sim. Himahleh politik ah bel siatna tawpkhawk ah ding ihi chih theih phial hi in akilang. Politik a active tak a kihel peuhmah diktat siang keuhkeuh om din agintak huai kei. Politik ginatlouh ziak mah in mimal in awlmoh thu igen uang mahmah, ahihhang in a phattuam luatna om lou abang hi. Heutu MLA/Minister, MP te lah ami-asa te utoh zalentak a nasemkhawm, kipawl khawm a ahaksatna leh siatgawpna te thei zoulou ding khop a gakchip leh thuneih(control) khum a om in, ahiding bang tak a khua-leh-tui, gam makaihna, kihumbitna leh

khantouhna te a omding bang a om theilou in khangtou theilou hi. Hiai bang hun ah mipi ten adin Pathian seh vaihawmte thuman ding dan pilvan huaina tampi om ding hi. Vaihawm tute leh mipite kituak kei leh Saptuam, khotang ah khantouhna muanna-bitna leh vaihawmna dik om thei ngeingei lou ding ahih ziaikin. Hichibang hun ah khotang leh mimal mal, adiak a saptuamte mohpuak tuh vaihawm tu thumsak ding ahi. Kalsuan khia kua hiam khat adia sum leh pai zang a chingsak dia panlak hilou in. Jeremia 29: 7 "*Sal dia ka hontansakna khopi hoihna ding zong unla, TOUPA kiang ah ngetsak un: amah hoihna ah nou leng hoihna na mu sin ngal ua,*" in achi. Politik a eite saltang ihihleh bang lohding?, Pathian kiang tun ni hondamsak thei Amah ahi. Ka thumna ah Politik bang zah vei ka lou khata aleh chih kidong chiat lehng. Rome 13 na ah leng Paul in khovel vaihawmte ziak a kipahthu gen ding, amaute zahtak ding, athu uh man ding, aban ah apoimoh mahmah amaute thumsak ding achi, Vaihawmtu Pathian seh ahih ziak in. A ziak tuh Pathian deihlam a

MEITEI MISSION FIELD

Pathian hehpihna leh ompihna ziak in Meiteite lak a inasepna in masawn tou zel a, tukum January apan April kha tan a report tomkim kilakhawm hiai anuai abang ahi.

1. Ginthak 32 in kibehlap zou hi.
2. Baptisma tang mi 24 pha hi.
3. Gintu hinailou ahihhang a missionary ten Pathian ahilh un (new contact) mi 30 vel.
4. Fellowship thak : Bishnupur a – Khoirakpal Presbyterian Church a Evangelist Loken Singh panlakna in Chothe Chaiba (Bishnupur Police station nung) ah March kha apan Fellowship kipan a gingtu mi 10 val phata in, inkhat khat aluahman Rs. 500/- pia in kikhopna Pathiani teng in nei gige uhi.
5. Meitei Mission Field a semtu Evangelist 8 leh Pastor 2 semtu om ten invehna, ginglou mite lak a Pathian thugenna nei a hoihtak in nasentou lellel ua, Pathian vualzawl na toh mission field in masawn tou mahmah hi.

Kipahthu genna ding leh thumpih dingte:

1. I missionary ten daltu omlou a lungsim nuamtak leh kipak tak a aseptouh theih zel ziak un leh damlouhna ziak a a sepna uh sunzom theilou kuamah imlouh ziak in Pathian kiang ah kipahthu gen ni.
2. Ninthoukhong a biakin a tohlet liimlang (glass)te tamkhop ana kideng sia om man in repairing kibawl hi, hichibang biakin huhamtak a suksiata om nawnlouhna ding in thumna ah phawkni.
3. Gingtu Toupan hon piak behlapp zel ziak in kipahthu genni.
4. Ginthak baptisma piak a omten ginomtak a Jesu Kris nungzui a khalam kipahna toh hinkhua hon zat ua, amau bang a gingtu ana

A kihel ding nihna ah, mipite ahi – hun paisa a I heutate thumang a, ahoihleh hoihlou ah leng chihnuam tak a anung uh izuih huhu maimah uh pen ihikhelhel lian mahmah uh ahi. Heutate asevek sipsip uh chihna bel hikhin sam lou in. Mimal khat in gam leh thuneihna a deih leh tuabang a ngahtheihna ding lampi azon a, biakngaita a biak a, piakngai thilte apiak a, kiniamkhiak a kulnate a kiniamkhiak kawm a atup-angim atheih chet a, ahitheihna teng toh apan chiangin a neitheih phet ding chih igingta hi. Tua bang mah in tuni in Khotang, Saptuam a I makaiten koitan hon tunpih sawm ua, koi chiang a bang hon hihpih sawm uhiam chih mipi a pilpen leh a mawl pen tan inleng iteih ngeingei ding ahi. Ahonpi dandan pen uh ahoih bang a ngaituah gige pen tulai nawn hetlou ahi.

India gam a politik a kigen chiang in mipite thuneihna liauliau ahi. Huaiziakin mipiten leng heutu te chihchih pongzuih hehu nawnlou in, zui nawnlou ding chihna hivek lou in, a kul loupai a insak-inkhang toh kal leh eimah mihinpihte toh ikal a kitheih siamlouhna

omtheihna thilte a pilvang a, deihelna zatsiam poimoh mahmah hi. Mipi ten ithu neihna leh deihelna zatkelhel theihna lampi tampi om ahih man in bang tan zang khial lailai ding ihi ua.

Etsakna : Gamsung a vaihawmtu ding bawl na ah khenkhat in VOTE gu in (mahni alou khia chihna/ sum leh pai a mi guai), sum leh pai, thagum thatang tanpha zangin politik isai uhi. Huchi bang a VOTE guksa a vaihawmtu a pang a om chiang in agim namtui nawnlou phetlou in, gamsung chidamna ding sepkihi ahi kei. Huai ban ah huchibang mite a nasep uh leng kizen lah ua, lohchinsakna pen melma hong suak nuam viau hi. Hiai tuh igintak louhkal in khelhna lianpi ana hia, khelhna khukupi lam zuan a honpi tu ana hi maimah hi. Huaiziakin vaihawm bawl na ah thutak a VOTE khia ahong hih a, vaihawmtu dingte leng diktak a telching ahong hih ding uh deih huai hi. Tu ni in iki nakna ding, kimuh siamlouhna lel ding khong ahih leh politik ideih kei, ki humbitna ding, khantouhna ding leh ki vaipuakna dik ideih zaw, huai ding eite, saptuamte khut a om ahi.

niteng(zing leh nitak) a nek hong ngai ta mai hi. Sepna toh kisai leh dam theih na leh thil tuamtuum ah haksat naten hon tuam sek mahleh Toupa'n honom pih in kul leh poimawhte honpe zom zelzel hi. Noute hon Thumpih nazarin tuin hoihlam kanawt ta hi. Haksatna leh buaina tuamtuum ka tuah chiangin leh zan ihmte theilouh chiangin " Mosi beidonga kap a Toupa kianga athum dante leh Toupan dawnna apiak dante. ..." bang kangaih tuah khe zelzel hi. Akhen chiangin bah in kalsuan hat zoukei mah leh hang, honsawl tu Toupa tuh ahat in amuan huai tawn tung hi. Tuaziakin, Toupa ah kihih hatin anuam ahaksa ah Amah adin panlathakin, kalsuan in malam inawt zelzel ding uhi.

Huan, Toupa'n Mosi kiang ah, "Bang diing a ka kianga kap na hia? Israelte malam nawt a kal suan diing in hilh zaw in. Na chiang liik inla tuipi tung lam ah zan in. Tui ahong kikhen dia, Israelte tuipi kan in lei keu ah apai thei diing uh...." Eksodas 14:15-16

Na Thumnate ua non na phok sak ding un anuai vual bangzah hiam kahon gelhi :

1. Khmer New Year te bang dama akimuh theih non manin kipahthu genin Cambodia te Tukum Thaka Toupan nakpi taka vualzawl a amakhaih nadingin Thumsak ni.

2. Kallui(April) in Krosang khuaa skul ava kipat theih manin Kipahthu genni. Hiai skul neuchik tungtawna naupangte laka Tangthupha puanzak hong hih theih nadingin Thummi.

3. Unaupa Pisal (Cambodia army Commander lui) kum bangzah hiam paisa apan in ataksa ling den hi. Doctor tampi ki enkol sak mah leh adam thei tuan kei a, amah damna dia thumsak dingin kei leh Team membrete honchial uhi. Alung gulh nabangin va kithumsakin Hotdamna thu ava ki genpih sek hi. Himahleh, tutana damsianagna amuhlouh manin lung kia mahmah maia...I vek ua pangkhawma Thumsak chiat ding in kon ngen hi.

4. Aunty Mau ataklam khut leh khe zeng natna akipan hongdam siang nadingin leh apasal in le Toupa Jesu a ginna diktak ahon neih det theih nadingin Thumsakni.

Christ agin takziakin leh Christian ahong hih ziakin a innvengte uh "Khmer New year sunga atanau te uh kuamah veh utlou... veltu di le neizou lou...!!" chiiin nuhsan in asim moh bawl mahmah uhi. Aman huai puana mahmaha Pathian kianga athum thum mai hi. Lamdang takin, Khmer New Year lopna abeima deuh in atanaute uh mun dang a kipanin TUKTUK(Cambodia gari motor cycle in akaihte) dim set in hong veh ua nek theih leh thil tuamtuam hong pia ua, hun manpha takin hong zatpih uhi. Pathianin athumnate adawn manin akipak petmah a, akipahna dimlet kikhop naah hong genkhia hi.

Koule tukum bul akipanin haksatna tuamtuam in hon buak den sim hi. Kathum ua ding kum khat visa(tukum 2015) ading ka extend uh hong ngai nona, kasum neih un hondaih kei dek tak hi. Visa extend khin lung muanga kaom pat uleh Cambodia a gamdang mi om E-visa zang teng2 in Work Permit iom tunga kipan tukum tan piak ngai teitei ahih thu hongom non leuleu hi!! Mikhat kumkhat ading in US\$100 achi ua, kei bang kum

2006 akipan om kahih banah Mercy Lianvung Kum 2011 apan ahih chiangin ka kigawm ua ding in US\$ tampi hong pha hi. Pethei kei le ungh lah agam ua omthei nonlou di kahih chiang un chi in kalung uh abuai gu mahmah hi. Pathian kianga Thum koma panpih na kangak lai un...agam mi kalawm hoih Pastor Prak Vuthy in Thuneitute koutangin ava kihoupiha kasum piakding uh honva deksak hi. Lamdang takin, ahon ngetsakna ana ngaih khiak sak ua kumbangzah hiam hon ngaidam ua US\$750 piak ding in vaki houlem pih hi. Huai ding neiloua lungkham taka kaom lai un pastor Prak Vuthy in ama a hon batlaksak a kava pesiangthei uhi. Tuin Visa tukum ading lah neikhin leh work permit tukum tana ding pesiangthei in lung muangin Toupa gam nasepna ka sunzom thei zelizel uhi.

Kakilam etlouh pi in taksa bah leh lungsim chauh nate kanei sek a, hong uang deuhdeuha kaki theih ziakin doctor kava ki check sak leh BP sang leh diabetes(zunkhum) vei kahih dan honhill hi!! Damdoi nekdi hunkhop hon lei sak ua

Huai ding in ahoih lam ah bang lam peuh i ki taiteh ding uh.

A bultung a igen ngaihndan tampi omte lak ah Saptuam in Politik a sailouh ding ahi; asai dingmah ahi, chih toh kisai in. Khenkhat ngaihndan in Saptuam in Politik a sai ding ahi, chih ahi. Bangziak in?... Vaihawmtu ding a ibawl hun chiangin VOTE khiak ah Saptuam member ihihna telllou in iva khe theikei a, huai hun ah leng I saikhin ta a chihtheih. Himahleh mi bangzah hiamte ngaihndan in Solkal bawl na a tel mite, thilpiak, thumna leh hanthawwna toh ihuh thei a, amau ngei inleng tuabang a Toupa mi siangthoute thumna tungtawn in singthou leh diktat tak in vaihon hawm in hon sem thei ding ua, huchi in mipi te tan dingte tengteng a dik leh tangtak a gel leh tup bang sepkhiak a hong om thei ding in a gintak huai hi.

A bang abang hileh I omdan leh Kris tanchin hoih kituak sak photphot lehang, I kihel hun a leng ahuntan thei kawm in, Solkal kiang a ipiak ding omte (Siah/tax leh adangdang) ginom tak a pia in, Solkal ten leng a hunhun in I tandingte hon pia uhenla hileh igam

a dam ding ichi ngam nai kei, adan hong hong om zaw deuh in, khotang chidam zawin, ikhangtouw semding.

Yaweh Pathian in nidanglai, thukhunlui hunlai akipan tunitan a amite it mahmah a khaul tuntun, a mite kahna aw ngaihsak lou ngeilou in nang leh kei a Ta ihihna hon tansakte thumna leh ngetna te bang achia ki theihmoh bawl thei mawk ding hiam? Pathian in a mi Israel tate suak leh sal apan pikhia in, amau ading tuam mawngmawng gam apia a, zalentak in a khosa uh, nek leh tak a kiningching in aom sak, a gam uah sakhua zalenna aom, Toupa Pathian diktak hilou pathian dangte biak a phal kei hi. Hiai bang dinmun eite tan theihlough ahi tuan dia hia? Hiai tuh Pathian ITNA leh a hon khotuahna hang in a hithei tham hi. Politik sianthouna ding in saptuam ten pan ilak ding om mah e, pan ilak ding tan a panla lou hiam, panla khengval a I om lailai in tuh haksatna leh niamkiakna omsa apan hotkhiakna Pathian apan imu kei hial ding hi. Huan nam leh gam hi in, saptuam ah hitaleh heutu diktat leng inei ngei kei ding.

Tuailaite, nu leh pa te igam ichih insung, saptuam leh mimal chiang in Saptuam leng hipah, bawl chidamna ding in Kha Siangthou hoih ding leh damsak ding in nang pina ngen ni. Maikai heutu ten tektek hong deih kua hiam, Eite Pathian lau kawm a hon makaih Hondampa Jesu Kris ahi. Bang chi theih na ding un thumna ah phawk in pan nala, bang chi in pan nala gige ni. Huai tuh Politik a iki helvek hunte lai dia? Khosung, gamsung, theihna hoih pen leng ahi.

MISSIONARY REPORT

Saptuamte, Navek un I Toupa Jesu Krist min in Khmer (Cambodian) Kumthak Chibai !

Cambodia a Toupa gam na I sepna uh Tanchin leh Thumna a phok ding te kon khak theih non manin lungdam huai kasa hi. April tarik 13th – 18th sung Kum Thak (Khmer New year) thupitak in Cambodia gam pumpiin kalawm zuazua uhi. Hamphat huaitakin hiailam ah Kumthak (Intl., Chinese, Khmer, etc.) bang akilawm kha vek hi. Noute Thumpih na leh Sum leh paia panpih nate ziakin buailuatna omlouin isepna mabante uh damin aki sunzom thei zelzel hi.

Kho tuamtuama school leh Biakna amuan huaina te hon sullang zel in tungtawna Toupa gamna isepnate kul leh poimawhte tatsat louin uh pai zom zelzel ahih manin niteng, honpe zelzel hi. Tanchin hoih kalteng leh khatengin anuam leh puanzak theih ding lam etna in, ahaksa aki paltou zelzel hi. Huai Khalui 21st April in Krosang khua Siemreap apan mel 7(km.) vel

dingah school khat ava kipan thak hi. Huai khua a naupangten Sappau (English) zil lunglut uh chih akitheih in Thumin Pathian dong komin aki ngaih ven hi. Hun bangtan hiam ava kiphak zelzel nungin innkuan khatin amun ding hon pia ua room nih om theih nang ava kilam hi. Sunnung lamin lai ava kihih zelzel a, kilam et sangin naupang tamzaw hong kai pah ua school room kidaihlouh ziak banah naupang alian lamte hun lemchang ding toh kituakin aneu lamte period nih lai aki hilh khit changin akipai saka, alian lamte aki hilh pan non hi. Hoih taka English class apai zom theih nadingin leh amaute laka Tanchin hoih puakzak theihna lampi imuh nading un Thumna ah phok chiatni.

Lamdang takin Biakna programme akineih changin church memberte adiakin nupi/tekpi te apanin testimony ngaihnap huai leh lungsim khoih taktak ngaih khiak ding hong om sek hi. Inn vehna (house visitation) ineih sek te un gingtu Pathainin honpiak te toh kinaih sem na leh ki itt tuah semna honpe zelzel hi. Ahaksatna te uleh Pathian thu

leh laa atheih siamlouh te uh va kipan pih in vaki hilh chian thei sek hi.

Jai Mau (aunty Mau): Jai Mau akhut leh khe taklam tuak tang theilou (zeng) kumlui apanin apasal panpihna toh I Ningani (Thursday) Biakna ua hong kikhom gige hi. Kikhop na muna dai tak in tu hithiat mahleh a inn ua kava veh chianguun Pathianin ahinkhuua thillamdang ahihte gending hunkhop anei gige hi. "Noute laka kong kikhopa Jesu Khrist Lal leh hondampa dia kapom nungin Kipahna leh lungmuanna kanei... Non Thumpih nate uh ziakin ka khut leh khe ten theihtheihna (sense) hon nei thei ua, huan, kakhut leh khe a thagui omte awlawl a hong tang panpan ta uh hidanin ka thei." Chi hi. A pasal in le azi hinkuua kikhekna thupitak a muh in Pathian ka muangin kagingta ta chi hi. Praise the Lord !

Jai Churun (aunty Churun): Ningani leh Pathianni zingkal chianga hong kikhom sek I Saptuam (Church) member uh Jai Churun in Jesus

July
2015
Presbyterian Church in India (Reformed)

pei
MESSENGER

*Haichite akipan
Pathian' vualzawlna
ziak a kipaithu genna*



HAITHAK



If undelivered, please return to:

The Editor
PCI Messenger
P.O. Box-32, Presbyterian Church in India (Reformed)
Head office : New Lanka (H) 795128
Manipur, INDIA



To:

PRODUCTION TEAM

Editor

Rev. Khen P. Tombing
C/No. 9862088190

Jt. Editor

Rev. H. Chin Thiansong
C/No. 8731850322

Contributing Editors

Rev. G. Suanzalam
Rev. Khamlianmang
Eld. T. Khupzadou
Eld. Langkhanpau Guite
Eld. N. Thangzamawi

Cir. manager

Mr. C. Biaklun

THU TUUNTE

Editorial	01
Nikhat kia....	03
Zalenna Kipahhuai	05
Khotang leh politics	08
Missionary report	14
Meitei Mission Field	19
MVM Report	20
SLPYF MEET 2015	22

Head Office

Presbyterian Church
in India (Reformed)
Box -32, Hebron Veng,
New Lamka 795006
Manipur, INDIA

Subscription Fee

Rs. 10/- per copy or per month

Website of the Church

<http://www.pcireformed.com>

A sung a thu
kisuahthe editorial board
ngaihdan ahivek
kei.

Printed, published and edited by Rev. Khen P. Tombing at Diamond Offset Press for the Presbyterian Church in India (Reformed)

